

醫統正脈全書

三三



類證活人書卷九

無求子著

內傷門

七情內傷脉與形證 困苦憂愁沉思積想鬱怒暴怒
恐怖驚疑哀痛迫切謀求失望凡情之所鍾志之所
在精神氣血莫不爲之飛揚震蕩阻闕隔塞旣久陰
陽不和調理失宜或火炎水涸欬逆痰紅漸至假熱
虛寒形消骨瘦而瘵症成或中氣不運痞滿不舒或
噎塞乾嘔格拒飲食非噉卽膈遂至不起蓋脉多沉



弦濇數或虛弦微滑大槩神情意氣毫無開爽生發之機法當調補氣血開鬱醒神但憂愁氣腦多者乃其天性所稟非若酒色可戒風寒可散必待自能痛改死中求活乃可若醫者雖具好生之心而草木之滋焉能易其性哉

七情內傷主方

棗仁

錢三

當歸

貝母

各一錢五分

茯神

錢一

遠志肉

益志仁

各五分

水煎午前午後服

情志之病本無形之氣鬱結而起久則陰虛內熱或

痰氣不清而凝滯不通隨其氣血之偏枯而成症故以茯神棗仁收攝精神元氣佐當歸滋血而固神氣之根遠志益精補腎益智醒脾開鬱橘貝順氣清痰火盛加酒炒黃連五分元氣虛加人參一錢五分臨睡服寧志丸或歸脾湯

寧志丸 足少陰腎在令爲冬在神爲志本藏精之臟爲生氣之源若或天性多憂疑寡言咲懷抱不舒而氣鬱形容枯萃而神衰晝嗜臥而夜不眠夢昏擾而心驚悸或勞煩不節思慮傷神氣逆膈中火鬱包絡



心脾痞結爲痛神志恍惚多驚血枯肝燥善怒而夜
卧不安氣弱精虛男遺滑而女多帶下總由心腎不
交神志不藏之故

聚仁

兩五

茯神

當歸

兩各三

黃芪

遠志肉

兩各二

人參

白朮

甘草

益智仁

硃砂

兩各一

蓮鬚

兩二

滴乳香

錢五

蜜丸臨睡燈心湯吞二三錢無睡以白酒陳漿或

酒下之

歸脾湯

治思慮傷脾營血大虧健忘怔忡驚悸晝嗜

卧而夜無睡神昏盜汗心脾作痛痞滿少食大便不調體腫肢疼夢遺滑泄婦女月經不準赤白帶下

人參

黃芪

白朮

茯神

棗仁

各二錢

當歸

遠志

各一錢

木香

五分

甘草

三分

桂圓肉

十枚

燈心

二分

生薑

一片

黑棗

二枚

水煎早晚空心服

房勞內傷脈與形証 縱慾宣淫傷精走氣有形之陰

精洩之不已無形之陽火飛越無制于是頭目眩暈

五心煩熱肢體困倦自汗乏力飲食不甘皮寒骨熱

經絡骨節拘攣抽引痛難轉側腰膝痠痛腿脚軟弱
陽事不時妄舉溺出兩岐而淋漓不盡脈非空大虛
數卽沉微濇數而無力以培補精血益氣安神爲主
房勞內傷主方

棗仁

錢三

熟地

麥冬

人參

各一錢五分

茯神

當歸

黃芪

各一錢

五味子

二分

水煎早空心臨睡服

神棗收攝神炁歸地補精益血使神氣有所依附而
不至散越生脈散佐黃芪益氣生津補腎水之上源

所謂虛則補其母也 內熱加知母一錢 脾胃虛

加白朮一錢五分黃芪五分去麥冬熟地之寒膩

集靈膏

見咳嗽門
肺痿條

不熱去首烏骨皮 無痰去痰藜

貝母

河車大造丸 先天不足精氣本虛強力入房恣慾無

度精枯氣遺頭目眩暈皮寒骨熱肢體羸弱神枯色

萎非此不治兼起病後精虛血弱婦人多產老年虛

弱月經不調赤白帶下

紫河車膏

二熟地黃
八兩

人參

白朮



當歸

枸杞

茯苓

芍藥

各四兩

黃芪

川芎

杜仲

牛膝

山藥

各三兩

甘草

肉桂

各三兩

蜜丸空心

湯白服三五錢

婦人虛脫淋帶不止加鹿角霜

三兩

勞煩內傷脈與形証

奔走勞形事煩勞心言多傷氣

飲食失節傷脾由是陰血虧損陽火有餘口乾舌燥

寒熱交加肢體困倦腰膝痠疼神昏志惰目花虛眩

其脈濇數或虛數者爲陰虛以後方滋補精血清熱

養神爲主如氣高而喘身熱而煩頭脹而不痛口渴
不欲飲其脈洪大按之無力此則勞倦大傷心脾之
營氣不能統運周行致虛陽陷下陰火沖逆甚則舌
腫燥硬唇乾口破兩目虛赤早用補中益氣湯升陽
散火晚用歸脾湯養血安神

勞煩內傷陰虛主方

棗仁

錢三

人參

當歸

各一錢五分

丹參

茯神

麥冬

桂圓肉

各一錢

五味子

二分

曲運神机勞傷乎心多言利辯勞傷乎肺謀慮過度

勞傷乎肝茯神丹參桂圓育心以寧神棗仁當歸養

陰血而滋肝木人參麥冬五味生津脈以益肺氣

心血少而內熱加生地一錢五分 火盛加黃連五

分早晚丸藥調補

補中益氣湯 啓發失陷之生陽調補心脾之營氣

黃芪

一錢五分

人參

當歸

白朮

各一錢

陳皮

八分

柴胡

五分

升麻

三分

炙甘草

二分

水煎早晚空心服

如下焦虛寒火不歸元加肉

桂五分附子三分



天王補心丹 見發熱門虛
煩發熱條

歸脾湯

滋陰百補丸 治臟腑不和營衛不調精神不足氣血

不充以至形衰色萎骨軟筋枯腰膝痠痛步履艱難

飲食減少嗜臥懶言皮寒內熱精寒陽萎等症

熟地 五兩

杜仲

牛膝

枸杞子

各三兩

當歸

茯苓

山萸肉

鹿角膠

各二兩半

人參

黃芪

白朮

白芍

肉蓯蓉

龜版膠

各二兩

瑱陽

知母

黃柏各一兩五錢 肉桂一兩

蜜丸早空心白湯吞服

四五錢

勞力內傷脈與形証 負重擔遠作務勞苦皆能傷筋

動骨耗氣損血以致經絡不和肢體疼痛口乾舌燥

乍寒乍熱其脈虛弦濇數調氣和血舒筋壯骨為主

勞力內傷主方

杜仲二錢

延胡

當歸各一錢五分 川芎

牛膝

陳皮各一錢

羌活 獨活

枳殼

紅花各五分

水煎午前午後服服後



用陳酒盡醉以行藥力

勞碌辛勤氣血必虛以芎歸補血而榮筋活絡紅花
延胡和氣血以止痛牛膝滋肝以養筋杜仲補腎以
壯骨羌活獨活行經絡以祛風活血陳皮和中枳壳
利氣胸脇否悶而刺痛者加山查二錢疎肝去瘀去
午膝杜仲虎潛丸常服 如有瘀血腹痛發熱加硝
黃桃仁黃芩以滌除之

虎潛丸 氣虛不能導引血脈血虛不能榮養經絡關
節枯澁筋骨軟弱陰維陽維之脈虛則周身煩痛或

麻痺不仁陰蹻陽蹻之脈虛則屈伸不利而步履艱
難此藥培補氣血壯胃舒筋

用滋陰百補丸全料加虎骨二兩五錢羌獨活各
一兩早空心四五錢晚空心二三錢白湯吞服

飢餓內傷脈與形証 忍飢理事空腹遠行傷脾胃清

純之元氣反使胸膈倒飽心嘈窘痛肢體困倦虛寒
假熱其脈非空大無神卽澁弱無力以和中益氣調

胃健脾爲主

飢餓內傷主方



白朮 二錢

神曲

當歸 各一錢五分 人參

白芍

茯苓

陳皮 各一錢 炙甘草 二分

水煎午前後服 資生丸早晚空心米飲吞服三

五錢

失飢胃氣傷于餒過飽則脾不及運參苓白朮大補

營氣久病所必用歸芍以益營血甘陳和中神曲助

運 脹悶而噯腐加山查二錢麥芽一錢五分去人

參當歸發熱加乾葛一錢五分柴胡一錢去人參白

芍 勞力飢餓二症或竟用補中益氣湯亦可但須

隨兼症加減

補中益氣湯

見本門勞煩
內傷陰虛條

沖和資生丸

見氣門脾胃
營氣不足條

固本健脾丸

見氣門脾胃
營氣不足條

食物內傷脈與形証

胃強脾弱多食而不及消化三

腕脹滿痞痛不舒遍身壯熱惡心嘔逆噯腐吞酸上

則呃逆下多矢氣頭不痛不惡寒知非外感發熱也

其脈氣口弦滑有力以和中消導為主

食物內傷主方

